

Ա. Վ. Սահակյան

ԺՈՂՈՎՈՒՐԴՆԵՐԻ ԲԱՐԵԿԱՄՈՒԹՅԱՆ ԵՐԳԻՉԸ

Ջիվանին և նրա հիմնադրած նոր-ազգային դպրոցը իրենց գործունեության հենց սկզբից, սոցիալական կյանքի անտրդարության, դասակարգային անհավասարության և հոգրներին խարաղանման մոտիվների հետ միասին արտահայտեցին նաև սուլթանական դաժան բռնակալությունից և ցարական կամայականությունից ճնշված ժողովուրդների ազատագրության, աշխատավոր ժողովուրդների եղբայրության զաղափարները:

Որպես ժողովուրդների բարեկամության զաղափարի ջատագով, Ջիվանին ընթացքով Սալաթ-Նոփալի, Սաչատուր Արուսյանի գծած դժվարին, բայց պատվավոր ճանապարհով:

Ջիվանին իր նախորդներ Սալաթ-Նոփալի, Արուսյանի և Նալբանդյանի նման ուներ եղբայր ժողովուրդներին հասկանալու ընդունակ լայն ու պայծառ հոգի, զգայուն ու սիրող սիրտ:

Նրա համար մարդը մարդ է, ինչ ազգի ու զավանանքի ուղում է նա լինի:

Դեպի օտարն ու օտարինը ունեցած վերաբերմունքի հարցում Ջիվանին, որպես ժողովրդական բանաստեղծ, կանգնած էր այդ հարցի ժողովրդական տեսակետի վրա: Նա հավասարապես առեկ է ինչպես արտաքին, այնպես էլ ներքին թշնամիներին: Ծառացել է ամեն կարգի հարստահարիչների, ազգային ու սոցիալական ճնշման դեմ: Ստեղծագործելով մեր ժողովրդի ապրած ամենամոռյալ ժամանակներում, նա կարողացավ իր քնարը հեռու պահել ազգային առեկություն հրահրելու գալթակությունից: Նրա հայրենասիրական երգերն ամբողջովին համակված են աշխատավորական աշխարհայացքով և լուսավորված ժողովուրդների եղբայրության ու համերաշխության զաղափարների պայծառ լույսով: Եթե որոշ գեպերում նա թույլ է տվել կծու արտահայտություն, այն ոչ թե վերաբերում է աշխատավոր ժողովրդին, այլ հենց այդ ժողովրդի համար չարիք դարձած՝

Ինկ ու փաշա հին ստահակ,
Արյունարբու զոդ ավազակ՝

տարրերին, որոնք ոչ պակաս պատուհաս են իրենց ժողովրդի համար:

Մեր գեմոկրատ մտավորականների նման, Ջիվանու մոտ էլ չկա օտարատյացություն զգացումը: Հայրենասեր և ժողովրդասեր բանաստեղծը նաև մեծ հումանիստ է, որի համար չոքո ազգերն էլ մեկ թաղարի ձաղիկ էինք և «պիտանի մեկ մեկու համար» ու իրար բարեկամ: Մարդկային սերունդները «ճանապարհի քարավան են», որոնք սիրով ու համերաշխությամբ պիտի ապրեն «հյուրանոց» աշխարհում և խաղաղ, ընթանան միասին:

Ջիվանու պատկերացմամբ մարդկությունը մի ամբողջական շղթա է, ճեղքվածքի 8—5

իսկ ազգերը նրա ընդհանրական հյուսվածքի անբաժան օղակները, չի կարելի պատկերացնել շղթա՝ առանց օղակների, իսկ ինչի՞ պետք կլինի օղակը նույնանմաններից բաղկացող ամբողջական հյուսվածքից դուրս:

Ամեն արարածից բարձր, շքեղ են մարդիկ,
... Բազում օղակներից շինված միհատիկ շղթա են մարդիկ,
Բաժանվել չեն կարող երբեք, իրարու կապված են մարդիկ:

Բազում օղակներից բաղկացած շղթան ամուր է նրանով, որ զոդված է սիրո քուրալում և ոսկեջրված՝ ալդ ամենահաղթ սիրով:

Ձիվան, սերն է մարդկանց բերթը անառիկ,
Իրար կապող ոսկե շղթան գեղեցիկ:

Երգչի հումանիզմի հիմնական առարկան կենդանի մարդն է՝ իր հուզ-աշխարհով ու շահագրգռություններով հանդերձ: Նա պահանջում է...

Մարդուն մարդ ճանաչիր թե հայ, թե օտար:
... Բոլոր մարդիկ սիրեն եղբոր պես իրար:
... Ապրեն բոլոր մարդիկ հանգիստ ապահով:
... Մարդը մարդուն համ ընկեր է, համ եղբայր:

Եվ վերջապես՝

Մարդությանը վնաս բերող չարությունը խափանենք:

Այս սկզբունքով էլ նա իր մի շարք բանաստեղծությունների մեջ, որոնք ամբողջովին համակված են աշխատավորական հայացքով և մնալուն արժեք են ստացել, պատկերել է եղբայրության և մարդասիրության գաղափարները: Այսանդ պետք է փնտրել Ձիվանու երգերի համար հիմնական այս մարդասիրական տրամադրությունների, ալդ երգերի հմայքի ու բոլորի համար հասկանալի լինելու բանալին:

Ձիվանին անդրկովկասյան ժողովուրդների ու ցեղերի մեջ անչափ հարգված է ու ընդունված: Նա խիստ դատապարտում էր ժողովուրդներին իրար խառնող կոսմոպոլիտ, երկերեսանի ու անսկզբունք, ծախու մարդկանց, որոնք՝

Հայի մոտ հայ են, թուրքի մոտ թուրք,

ու Շշապի պես փոխում են հավատը շուտ-շուտ: Պատվի և ինքնասիրության զգացումից զուրկ նման մարդիկ չարիք են և՛ իրենց ազգի, և՛ մարդկության համար:

Նա չի սիրիլ ուրիշի, ով չի սիրել ինքն իրան:

հայտարարում է Ձիվանին:

«Ո՛չ ալ ազգին անարգե, ոչ քո ազգդ ուրացիր»

սովորեցնում է Ձիվանին: Պետք է սիրել հայրենիքը, մերձավորին, բայց ոչ երբեք օտարին վատություն անելու, նրան վնաս պատճառելու գնով՝ և թե իհարկե նա չի ճնշում քեզ, չի սպառնում քո գոյությունը:

Ես սիրում եմ մերձավորիս, բայց ատիլ չեմ օտարին,

Օտարն էլ ինձ նման մարդ է, ցանկանում եմ իր բարին,

Ժե օտարը ինձ չճնշե, մեկ վնաս չպատճառե,
Ձեմ կամենալ մինչև անգամ, ոտքը հանդիպե քարին:

Ջիվանու իղձն է, որ «մերձավորի և օտարի» միջև ոչ միայն խտրու-
թյուն չղրվի, այլ որ՝

. . . Ազգերը եղբայր լինեն մեկ-մեկու:

Ազգային պատկանելիությունը և կրոնական դավանանքը չպիտի խան-
գարեն միևնույն հողի վրա, կույք-կողքի վարերով ապրող ժողովուրդների
համերաշխությունը: Քննադատելով կրոնական դավանանքի նկատառումներով
ազգերին իրար դեմ լարելու, նրանց մեջ թշնամություն սերմանելու քաղա-
քականությունը, նա ձգտում է, որ՝

. . . Մարդիկ քրիստոնյա թե մահմեդական,
Իրար հետ սիրով վարվեն մշտական:

Ձաղկելով կրոնական անհանդուրժողականությունը, երգիչը պահանջում է
հարգել ուրիշի զգացմունքն ու դավանանքը:

. . . Ամեն մի ազգ ունի իրեն մի հավատ,
Ձի կարևոր երբեք մեկին ասել վատ:

Ազգային ատելություն ու կրոնական անհանդուրժողականություն անող
հողը նա համարում է աշխարհիկ և հոգևոր իշխողներին, որոնց այդ բանը
հարկավոր էր հենց իրենց ճնշած ու հարստահարած աշխատավոր խավերի
ուշագրությունը իրենցից հեռացնելու ու ազգամիջյան դավադրություններով
զրադեցնելու համար:

Երգիչը գոհ է, որ հակառակ իշխողների դավադրություններին, «ողջ
Կովկասում, հայն ու թուրքը խաղաղ, սիրով են ապրում»: Ժողովուրդների
բարեկամ բանաստեղծը ցանկանում է, որ—

. . . Վնաս չհանդիպի ազգերի մեջ ոչ ոքին:

Ոչ թե ազգային խտրականություն ու թշնամանք, այլ համերաշխություն,
փոխադարձ սեր և հավատ՝ իրար նկատմամբ:

«Իղձ» բանաստեղծության մեջ հեղինակը, որոշ չափով, անցնում է ազ-
գային սահմանները և բարձրանում համամարդկային եղբայրության ու հա-
մերաշխության աստիճաններով:

Անհատի հասարակական օգտավետության չափանիշը չպետք է միայն
իր ազգին, իր ժողովրդին պետք զալը, միայն նրանց նկատմամբ ունեցած
պարտքը կատարելը լինի: Այն անհատի արարքն է գովելի, որը խտրու-
թյուն չի դնում իր և օտար ժողովուրդների շահերի մեջ, այլ որ կարողանում է
հավասարապես պետք գալ լուսավորություն տարածելու ասպարեզում:

. . . Օգուտ տալ թե օտարաց, թե հայոց,
Ամեն մեկ գլուղի մեջ բանալով դպրոց:

Այդ գործին, առանց օտարի և չտրայինի մեջ խտրություն դնելու, պետք
է ծառայեն կրթված ու լուսավորված բոլոր ազնիվ մարդիկ: Երգիչը մարդա-
սիրության մասին իր անկեղծ հայացքը արտահայտել է հետևյալ տողերում:

Անխտիր, ողջ մարդկանց ցանկալի բարիք,
 Ոչ մի անհատ ինձնից չտեսներ չարիք,
 . . . Սկսեի մեծ օգուտ տալ մարդկության,
 Ընկածին, տկարին լինեի պաշտպան:

Նրա ցանկությունն է, որ մարդասիրական ալոպիսի բարձր ու վսեմ գաղափարներով դաստիարակված մարդիկ, իրենց խոսքն ու գործը, իմացությունն ու ջանքերը ի սպաս դնեն ընդհանուր մարդկության բարօրություն և բարեկամության շահերին: Նրանց դաստիարակած սերունդները հեղինակի խոսքով առած «մեկ-մեկ ջա՛ն դառնան» ազգամիջյան ատելության ու թշնամանքի խափարը փարատելու, ժողովուրդներին իրար մոտեցնելու և օգնելու, նրանց միջև փոխադարձ վստահության միջավայր ստեղծելու կարևոր գործին:

Բոլոր մարդիկ սիրեն եղբոր պես իրար,
 Որքան փոքրին շահի, անկեղծ, հայրաբար:
 . . . Զիվանի, ոչ մի տեղ չլինի կոխ,
 Ուղիղ սրտով պա՛հեն մեկ մեկու պատիվ:

Ժողովուրդների «խաղաղ և երջանիկ» միժակով ապրելու գաղափարի ջատագով երգիչը թշնամի է ազգամիջյան բոլոր տեսակի ընդհարումներին: Նա քննում է պատերազմների պատճառները և դալիս ալն եղբակացության, որ իրար գեմ գուրս գալու և իրար ոչնչացնելու գործում իրենք ժողովուրդները չեն մեղավոր, այլ տիրապետող և շահագործող դասերը՝ «աշխարհի հզորները», որոնք անկախ ազգային պատկանելությունից, իրենց տիրապետության շահերի ու փառասիրությունների համար աշխարհը սպանդի են վերածում:

Աշխատավորը, «երկիրը վարող ցանող և արլուն քրտինք թափող» մարդը չի կարող ափերի ու ավարի կողմնակից լինել: Նրան ալք բանին հարկադրում են ու չարիքի գործիք դարձնում սևիական ազգի իշխողները, «խուռվաճուլգ պալատները», ուրիշի արլուն քրտնքի հաշվին հարստություն ու գիրք ձեռք բերելու սիրահարները, որոնք բարիքներ չստեղծելով, ալն խլում են ստեղծողներից, գերում ուրիշ ժողովուրդներին և կողոպտում նրանց ունեցվածքը: Աշխատավոր խավերը աշխարհաշեն են և խաղաղասեր: Նրանք են բոլոր բարիքների ստեղծողը, կոտորածների ու հրդեհումների թշնամին:

Ժողովուրդն է թե գլուց, թե քաղաք շինող,
 Նա է անշունչ առարկային կյանք տվող:

«Պատերազմ» բանաստեղծության մեջ Զիվանին անարդանքի գատավճիռ է կարգում նրանց, որոնք պատերազմի են գիմում նոր երկրներ ու ժողովուրդներ ստրկացնելու, նոր հողեր ու շուկաներ գրավելու համար:

Երանք աշխարհը ներկում են աշխատավոր ժողովրդի արլունով, բազմահազար օջախների կրակը մարում, որդին՝ ծնողներից, եղբայրը՝ եղբորից բաժանում, կինը՝ ալրի, երեխաները՝ որը թողնում:

. . . Տանն են մնում աղջիկները,
 Բազմանում որը մանկիկները,
 Երկու կողմի ծագիկները,
 Զուր կոտորում են իրար:

Այս բանաստեղծությունը ցասումնալից բողոք է աշխարհավեր պատերազմների ու այն հրահրողների դեմ և այսօր էլ իր աշխարհափոխությունը չի կորցրել: Այս և նման մի շարք բանաստեղծություններում հեղինակը խորամուխ լինելով աշխարհավեր պատերազմների պատճառների մեջ՝ գալիս է այն եզրակացության, որ հեռու չէ այն օրը, երբ՝

Դերթան այս օրերը, էլ ետ չեն դառնա...

Եվ այն ժամանակ՝

Կկանգնեն ազգերը ուժեղ կովարար,

Կապրեն սիրով խաղաղ, չեն ջարդի իրար:

Երգիչը փափագում է աշխատանքի թագավորություն, երբ եղ տեր լինի և ոչ ծառա աշխարհում, ոչ կոիվ, ոչ արյուն ու արտասուք: Կփոխվի աշխարհը, չարիքը կանհետանա, կվերանա բոնությունը և՝

... Զուր տեղը արյուն թափելը, կոիվը կվերջանա.

Ամեն մարդը անկարող չուր պարենը կունենա,

Կդառնա բնության հետ համակարծիք աշխարհը:

Աշխատանքի տիրապետության հաստատմամբ՝ աշխարհում կստեղծվի մի հարմոնիկ կարգ, որի մեջ յուրաքանչյուր մարդիկ կընթանան մեկ ուղիով՝ ճանապարհով՝ սիրով ու ձեռք ձեռքի տված՝ առանց ատելության ու թշնամանքի որևէ զգացման:

* * *

Միապետությունը հետզհետե ավելի խստացրեց իր սև հարյուրակալին խավարամոլ հարձակողական քաղաքականությունը ժողովուրդների բանտում տառապող ազգերի դեմ: Նա ամեն կերպ խանգարում էր նրանց համերաշխությունը՝ իրար դեմ լարելով և ազգային ատելության հուրը բորբոքելով. արգելակում էր նրանց ազգային կուլտուրական զարգացմանը, նրանց խաղաղ համակեցությունը:

Ժողովուրդներին իրար դեմ հանելու և ազգամիջյան ջարդեր կազմակերպելու արյունոտ քաղաքականության արդյունք էին 1903 և 1905 թվականների կոտորածները, որոնց կազմակերպիչների ու խրախուսողների նպատակն էր երկու եզրալրական ժողովուրդներին՝ թուրքին ու հային գծտեցնելու և մասամբ վրացիներին այդ բանում խառնելու ճանապարհով պառակտել նրանց ուժերը և շեղել նրանց ուշադրությունը ռուսական 1905 թվականի հեղափոխությունից:

Ջիվանին ժամանակին հասկացավ ցարիզմի քրաժանիքի տիրես մարդասպան քաղաքականության ահալոր հետևանքները: Զգաց ու տեսավ, որ արհեստականորեն բորբոքած ազգամիջյան խժժությունները, դարեր շարունակ կողք կողքի սիրով ապրող գրացի ժողովուրդներին իրար կատաղի թշնամի են դարձնում ու միմյանց սրատել տալիս: Նա իր զգաստացնող երգով ու խոսքով զգուշացնում էր հարևան ժողովուրդներին նրանց սպառնացող աղետից:

Իրացի, թե իրար չօգնենք,

Մենք էլ ոչինչ, դուք էլ ոչինչ:

Եթե չհաշտվենք, կովենք,

Մենք էլ ոչինչ, դուք էլ ոչինչ:

Ջիվանին զգուշացնում էր, որ դարավոր բարեկամների հարարերությունների մեջ սեպ խրոդ ու իրար կոտորել ավոդի նպատակը նրանցից որևէ մեկին օգնելն ու պաշտպանելը չէ, այլ նրանց ուժասպառ դարձնելով բռնկած հեղափոխության հրդեհը մարելը, որպեսզի կարողանա հեշտ կեղեքել և ստրկացնել: Սա նենգամիտ իշխողի քաղաքականությունն է, որի դեմ ցարական բռնաժամ տանջվող ժողովուրդները պետք է Վեռք-ձևոքի տված» հանդես գան, որովհետև այդ է պահանջում նույն երկրի ծնունդ, հարևան ազգերի համերաշխության շահերը:

... Ձեռք-ձևոքի տանք, հարգենք մեր երկրի շահը,
Եվ ինքներս առիթ չտանք, նոր գալիք ջոկ վնասին,
Սիրենք անկեղծ սիրով, միայն թե խելք ունենանք,
Որ հոգսերը, մեր ցավերը ինքն իրեն կպակասեն:

Որևէ հուշավապելով հայերի և վրացիների ամրակուռ եղբայրության հետ, երգիչը մերկացնում է պրովոկատորների դիվային մեքենայությունները. —

Ցանցեր պատրաստելու դերձան ևս մանել,
Թռչունի պես կուզես մեզ բնից հանել,
Դու մեր մեջը ատելություն մի ցանիլ
Որևք վաղուց եղբայր ենք հալ ու վրացի:

Հարկավոր է միահեծանություն նենգամիտ պրովոկացիային հակադրել փոխըմբռնման ու անկեղծ բարեկամության այն փորձված գործելակերպը, որ դարեր շարունակ իրար նկատմամբ բանեցրել են եղբայրական ժողովուրդները: Պետք է կարողանալ իրենց համերաշխությունը սպառնացող ահավոր արհաճ կտանգի մասին հասկացնել և կանխել այն, այլապես եղբայրասպանությունը անխուսափելի կդառնա:

Ապրում ենք մեկ-մեկուց խռով,
Տներս մոտ, իրարու քով,
Եթե խելքի չգանք շուտով,
Որևք էլ ոչինչ, դուք էլ ոչինչ:

Նույն միտքն է արտահայտում «Բաքու» երգում:

Եթե չհաշտվեն երկուսն էլ կրննեն,
Գետին կտապալվեն թուրքը և հայր:

Նախազգուշացնում է երգիչը:

Հակառակ բարեկամության երգչի ցանկության ու ծայրահեղ ջանքերի, միահեծանության սատրապներին հաջողվեց սղոցել սիրտ և համերաշխության պատվանդանի վրա խաբսխված դարերի պատմություն ունեցող եղբայր ժողովրդների անադարտ բարեկամության «կամարակապ սլունը» և արյունով ներկել նրանց:

Ժիրող ամոթալի քաղաքականությունը սկզբում դո՛հ դարձան Անդրկովկասի ալլադավանները՝ հատկապես հայերն ու ադրբեջանցիները: Դավադրություն հեղինակներին հաջողվեց այդ գործում քաշել և դավանակից վրացիներին: Հատկապես Բաքուն, Շուշին, Գանձակը, Նախիջևանը, Թիֆլիսը ու Երևանը վերածվեցին սաղմաճակատների, որտեղ կովում էին թաղը — թաղի, փողոցը —

փողոցի, նույնիսկ տունը—տան և հարեանը—հարեանի դեմ, պարզ է իհարկե, բնավ ոչ համակեցություն պայմանների հարկադրանքով և ներքին կամ արտաքին այլ պատճառների պահանջով:

Զիվանին բացե ի բաց և երբեմն էլ եզովպոսյան լեզվով այդ կոտորածները համարում էր ժողովուրդների թշնամի ցարիզմի դործը և իր բանաստեղծությունների մեջ խիստ դատապարտում այդ մարդասպան քաղաքականության «հերոսներին», նրանց անվանելով «չար ատելության որոմ ցանոդ» և իրար կոտորել տվող «սատանայի շորեր հագած թշնամի», որի դավադրական արարքի հետևանքով երեկվա բարեկամ ժողովուրդները՝

Բարձել են խելագար, արյան սիրահար,
Պոտորում են իրար թուրքը և հայը:

Հետևանքը երկու կողմերի համար էլ հավասարապես ծանր էր ու կորուստը՝ մեծ:

Սպանդանոց էր դառել Բաքվի հրապարակը,
Իրար մոտ ընկած էին հայի, թուրքի դիակը:

Պակաս սարսափելի չէր «երջանիկ» Թիֆլիսի դրությունը: Այն Թիֆլիսի, որը մի ժամանակ եղել է, ինչպես սրամիտ նկատել է մեր ազգային մեծ բանաստեղծ Հովհաննես Թումանյանը «...մի հարսանքատուն, ուր հրավիրված էին Պովկասի բոլոր ազգերն ու ցեղերը քեֆ քաշելու», իսկ ազգամիջյան թշնամանքը ցարիզմի կողմից բարեկամ ժողովուրդների վրին փաթաթվելուց հետո փոխվել՝

Երջանիկ Թիֆլիսը դրախտի նման,
Բարձել է մարդակեր, դժոխք իսկական,
Որ կողմը կդառնաս թախիծ նեղություն,
Ջրի պես հոսուն է մարդկային արյուն:

Բայց դարավոր բարեկամություն մալրող ժողովուրդների համար Բաքուն «սպանդանոց» և Թիֆլիսը՝ «դժողք» դարձնող «սատանի շորեր հագած թշնամին»՝ նա ով վառել էր ժողովուրդների մեջ կուլը ֆանատիզմի կրակը և կազմակերպել կոտորածները և «...Ով կարող եր մարել, չէր մարում այդ կրակը», «ձեռքերը արյունլվա» հեռու կանգնած դիտում էր դարհուրելի արնահեղություն քստմենի տեսարանը՝ «չշարժելով մահակը»:

Ժամանակակիցների հավաստի վկայություն, ցարիզմը ինքն էր զինում և իրար դեմ հանում ազգերն ու կոտորել տալիս իրար:

«Յարիզմը ինքը իր զորքերը չէր ուղարկում հայերի դեմ, — 1905 թվականի անցքերի առթիվ գրում է Լևոն, — այլ զինում էր ու նրա դեմ հանում թուրքերին (ադրբեջանականներին—Ա. Ս.):

Իսկ դրացի ժողովուրդներին օգնելու և բնաջնջող իրադրությունից ազատելու համար արված դիմումին Անդրկովկասի սատրապները իրենց անզորության պատրվակով մերժում էին:

«Շրջելով Բաքվի պատերազմական դաշտ դարձած փողոցներում, նականջիծ են տեսնում էր դիակներ, այրվող տներ, խալանված գուլքի կուլտեր և բարեհոգ ժպիտով հայտարարում էր, թե զորք չունի, զորություն չունի, թող կովոդները իրենք իրար հետ հաշտվեն... Եվ հրացանով զինված ուս զինվորի

առջև մորթվում էին խաղաղ ու անզեն քաղաքացիներ — իսկ կազմակերպողը նսյում էր միայն՝

Երգիչը ափսոսանքով է ընդգծում, որ «մի երկրի զավակ» ադրբեջանցիներին ու հայերին «վատ գործի ղեկավար չար ույին» (միապետությունը) իրար դեմ գրգռելով կոտորել տվեց, իսկ ինքր տեսնելով իր չարագործության պտուղները, ուրախացավ՝

... Ծափ տվեց առանձին, հրճվեց սրտագին։

Նա խորապես ցավում էր, որ չարաչար խափվելով «անվախել զործ տեսան հին հարեանները»։ Նրան վիշտ էր պատճառել միապետության բորբոքած մոլեգնող հուրը, որի մեջ ալրվում էին ժողովուրդներին միացնող վստահության կապերը։ Մորմոքվող սրտով հիշեցնում եր հայերի և ադրբեջանցիների առաջվա բարի դրացիական հարաբերությունների մասին, երբ նրանք ապրում էին սիրով և համերաշխ։ Եվ ո՞ւմ մտքով կանցներ ուրիշ, գոյություն ունեցածին հակառակ, վարվելած, որ ստեղծեց պայծառ հարաբերությունները չհանդուրժող չար զգեք։

Հալի մտքից չեր անցնում բնավ, երբեք, հավիտյան,
Թե թուրքին մի վնաս տա, կամ վիրավորի նրան,
Թուրքը էլ հալի հետ սիրով, հաշտ էր ապրում մշտական։

Մեծ էին երգչի հավատն ու հույսերը՝ ժամանակավորապես խաբված ազգերի մեջ խորտակված վստահության ու համերաշխության վերահաստատման և իրար հաշտության ձևոք մեկնելու գործում։

Ինչու համար մեկը մեկին վնաս տան,
Մարդը մարդու համ ընկեր է համ եղբայր։

Նրա երգը այն հավատն էր ներշնչում բոլորին, թե շուտով կցրվեն դրացի ժողովուրդների բարեկամության երկնակամարը անփարատ խավարով պատող չարագուշակ ամպերը՝ տեղի տալով եղբայրության արշալույսի հաղթական ճառագայթներին։ Ուր որ է խաղաղության երփներանգ աղեղնակի պայծառության մեջ կերևա թեմոդ սպիտակ աղալին՝ կանաչ ոստր կտուցին։

Սիրո խաղաղության համար կապած աղեղնակը տեսնենք,
Նույն կանաչ տերե բերող, թողած աղալնյակը տեսնենք։

Ջիվանին մարդասիրությունը և ժողովուրդների բարեկամությունը ընդունում էր, որպես կյանքի հարատև հաստատուն գործոն և նրա պահպանության համար մղվող պայքարը՝ սերունդների սրբազան պարտականություն։ Կողք-կողքի խաղաղ համակեցության հազարամյակների պատմությունը, որը զալիս է ժողովուրդների սկզբնավորության ժամանակներից և դեռ պիտի ընթանա զալիքի ճանապարհներով, կարևոր է ու թանկ, ոչ միայն ալսուրվա, այլև վաղվա զալիքի համար։ Ուստի ոչ միայն ժամանակակիցները, այլև ապագա սերունդները կհասկանան և ըստ արժանվույն կգնահատեն իրենց նախնիքների աղդամիջյան համերաշխության ազնիվ ջանքերի պտուղն ու կրփառաբանեն նրանց։

... Ապագա սերունդների մոտ կարելի է գնահատվենք։

Լուսամիտ Ջիվանին հավատում էր ժողովուրդների ուժին, խաղաղության ու եղբայրության գաղափարների նրանց նվիրվածությանը, արդարության և մարդասիրության հաղթանակին: Նա երազում էր այն ըզձալի օրը, երբ շահագործող և շահագործվողներ չեն լինի աշխարհում, երբ բռնությունը, արյուն թափելը իսպառ կվերանան և երբ բոլոր մարդիկ առանց ազդի ու դավանանքի խտրության, եղբոր պես կվարվեն իրար հետ և օգտավետ կլինի մեկը-մյուսի համար: Այդպես երկար պիտի.—

Ապրեն բոլոր մարդիկ հանգիստ, ապահով,
Հարգեն, սիրեն իրար, ուղիղ, ջերմ սիրով:

Անսահման մեծ էր երգչի ծառայությունը Անդրկովկասում 1903 և 1905 թվականներին բռնկված ազգամիջյան հրդեհը հանդգնելու և բարեկամություն բարոդելու գործում:

Ջիվանին խաղաղությունն ու համերաշխությունը պաշտպանում էր նաև իր պրակտիկ գործունեությամբ: Թուս նշանավոր գրականագետ Ս. Գորոդեցկին Ջիվանու մահվան 10-ամյակին նվիրած իր հոգևածում գրում է. — 1906 թվականի ջարդերի ժամանակ, նստած սուրբ Գևորգի մոտի սրճարանում, որին արդեն մոտենում էին ջարդարարները, նրան ասում են. «Ջիվանի ինչ ես նստել, արդեն այստեղ են գալիս ջարդարարները», նա առանց տեղից շարժվելու պատասխանում է. «Ինձ ինչ պիտի լինի որ, չէ որ բոլորը գիտեն, որ ես երգում եմ բոլորի համար, որ ես բոլոր ժողովուրդների բարեկամ եմ»: Նա երգում էր «Ալլըն վեր ալմա»¹ եղբայրության երգը: Եվ իրոք այդպիսին էր նա:

Այն ժամանակ երբ ցարական պրովոկացիայի ազդեցության ենթարկվածները ջուր էին լցնում միապետության ջրաղացին, Ջիվանին անվախ ու համարձակ հանդես եկավ Անդրկովկասի ժողովուրդների բարեկամության կողմնակցի իր շիտակ խոսքով, և դատապարտեց ցարական միապետությանը և կոչ արեց սթափվել, զգաստանալ ու դադարեցնել անմիտ արյունահեղությունը, վերջ դնել փոխադարձ թշնամությանը:

«Հալ լեղվի տարածման եռանդուն ջատագով լինելով ու հալ շրջաններից թուրքերենի ազդեցության վերացմանը ծառայելով հանդերձ, Ջիվանին չի խուշում թուրք ժողովրդից, ընդհակառակը նա ունի մի շարք (քառասունից ավելի) ադրբեջաներեն և թուրքերեն երգեր, որոնք սերտ համերաշխություն են քարոզում: Վերջին հալ-թուրքական դեպքերից շատ առաջ նա ուներ մի տարածված երգ «Ալլըն վեր ալմա» համշարի իսլամ, իսկ դեպքերից հետո գրածները այժմ երգում են թուրք (ադրբեջանական — Ա. Ս.) շրջաններում», — վկայում է Վ. Լեոնյանը:

Անդրադառնալով ժողովուրդների միջև խաղաղություն և բարեկամություն վերականգնելու գործում Ջիվանու խոշոր ջանքերին, Ս. Գարազեցկին գրում է. «... Այսպես իր ջոխակով, — ինչպես Որբնոսը գժոխքում, — անցնում էր նա, երբ որ թշնամանքն ու ատելությունը իրենց գործն էին տեսնում: Այսպես էլ մարդկանց միջև սեր և միաբանություն հնչեցնող իր ջոխակով հավատ կենդանի կմնա նա սերունդների հիշողության մեջ»:

¹ Ձեռք տանք իրար:

* * *

Հումանիստ երգիչը կրոնադավանաբանական հարցերում իր ժամանակի շատ մտածողներից բարձր էր կանգնած: Այդ մոտիվներով գրված որոշ բանաստեղծությունների մեջ ոչինչ չկա կրոնի և դավանանքի բացառիկությանը պայմանավորված, ընդհակառակը, հեղինակի ցանկությունն է, որ լայնարձակ աշխարհի վրա ամեն ազգ ու ժողովուրդ սիրի իր լեզուն, կամավոր դավանի իր կրոնը, որովհետև՝

Չսիրողը իր լեզուն, իր կրոնը սեփական,
Նա չի սիրիլ ուրիշին, ու չի սիրել ինքն իրան:

Բանաստեղծը ծառանում է մեր ժողովրդին բուն և խաթկություններ դավանափոխության և ասիմիլյացիայի հարկադրողների դեմ՝ դրա մեջ տեսնելով ժողովրդի գոյությանը, նրա լեզվի, ազգային կուլտուրայի և ինքնության պահպանությանը սպառնացող լուրջ վտանգ: Դա բուն մահմեդականացումն էր, սակայն նրանից պակաս ահավոր չէր նաև այն ժամանակ կաթոլիկ միսյուններին՝ հայ ժողովրդի այդ նենգ թրաքակաճների՝ ազգադավ գործունեությունը:

Նշավակելով ազգությունից ու հայությունից խորթացած դավաճաններին, Ջիվանին ցավով ընդգծում էր, որ այդ հողի վրա առաջացած ներքին պայքարը ավելի խորն է թափանցում ժողովրդի մեջ և խորտակում նրա միասնության ոգին: Բայց երբ փաստ դարձավ աղանդավորության գիրկն ընկածների գոյությունը, Ջիվանին չվարանեց համերաշխության ձեռք մեկնելու այդպիսիներին:

Վրոնական մոլեռանդ վեճերի այդ թեմ օրերին երգիչը հանդիմանելով իր դավանակից լուսավորչականներին, խորհուրդ էր տալիս վերջ տալ ժողովրդի մեջ խտրությունը և անմիաբանությունը խորացնող այդ անմիտ կոնվը:

Ազգով հայ կաթոլիկ բողոքականին,
Լուսավորչյաններու ատեն իզուր է. . .

Հակառակ մեծամասնության մեջ իշխող մտայնությանը՝ այսպիսի առաջադիմական կոչ է անում հեղինակը:

Նա համոզված էր, որ ուսման և դիտության ծավալման շնորհիվ պատկառվածությունը կվերանա ժողովրդի միջից և դարդացած նոր սերունդները իրենց ուժերը չեն սպառի դավանաբանական անիմաստ վեճերի վրա:

Ջիվանին կարողացավ ճիշտ գնահատել ուսական առաջին հեղափոխության փրկարար դերը ճնշված ազգերի ու աշխատավոր մարդկության ազատագրության համար և ջերմորեն ողջունեց նրան: Նա, առանց ազգի ու դավանանքի խտրության, կովկասյան ժողովուրդներին կոչ արեց համատեղ ունենդերելու հյուսիսից հնչող -- քաղցր նվագի ավետյալ ձայնը և նորոգվելու նրանով:

Օգտավետ ու դուրեկան էր նոր նվագը՝ կովկասին,
Արևք, և դրաչք կովկասցիներ, գնանք մեկ տեղ լսելու,
Այդ վերանորոգիչ ձայնով, մենք նորոգվինք միասին:

Եվ այսպես էլ նա մինչև վերջը մնաց այն տեսակետին, որ հեղափոխություն կատարող ժողովուրդները կկարողանան լիարժեք դնել քաղաքական, ազ-

դային-սոցիալական անարդարությունը, անիրավությունը և անհավասարությունը՝ ստեղծելով շահագործումից ու ազգային խտրականությունից զերծ աշխատանքի տիրապետություն:

Սովետական կարգերը մեր հայրենիքի եղբայրական բոլոր ժողովուրդներին, այդ թվում նաև հայ ժողովրդի համար բերեցին իսկական ազատություն:

Իրականացավ երգչի դուշակությունը, թե՛

. . . Փուշը մենք կքաղենք, որդիքս վարդը,
նրանք պետք է տեսնեն անուշիկ օրեր: